



## SIARAN MEDIA BERSAMA

### **IMIGRESEN FC MUNCUL SEBAGAI JUARA MBSB BANK CHAMPIONSHIP 2023**

**PETALING JAYA, 27 OKTOBER 2023** – Imigresen FC muncul sebagai juara MBSB Bank Championship 2023 setelah pasukan tersebut meraih kemenangan ke atas Melaka FC pada perlawanan akhir di Stadium Hang Tuah, Melaka.

Imigresen FC yang diraikan pada majlis khas di Menara MBSB Bank, PJ Sentral hari ini menerima piala kejuaraan, pingat dan juga wang tunai bernilai RM100,000.00.

MBSB Bank Championship 2023 yang bermula pada 4 Mac 2023 dan berakhir 21 Oktober 2023 telah melibatkan 165 perlawanan. Ianya telah dijalankan mengikut format liga membabitkan sekurang-kurangnya enam perlawanan setiap minggu.

Pengerusi Amateur Football League (AFL), Datuk Wira Mohd Yusoff Mahadi berkata, gelaran kejuaraan MBSB Bank Championship 2023 sah menjadi milik Imigresen FC hasil kemenangan 1-0 ke atas Melaka FC di Stadium Hang Tuah, selepas KL Rovers hanya mampu terikat seri 1-1 pada aksi di Stadium UPM, Serdang.

“The Mighty Tigers menamatkan saingan selepas mengumpul 55 mata hasil 17 kemenangan, seri empat dan tiga kekalahan manakala Kuala Lumpur Rovers naib juara dibezakan hanya satu mata selepas mencatatkan 16 kemenangan enam seri dan dua kekalahan.

“Tempat ketiga pula milik Harini Selangor FT yang mengumpul 51 mata manakala Bukit Tambun FC ditempat keempat dengan 48 mata.

Mengulas saingan MBSB Bank Championship 2023, Mohd Yusoff melihat ianya satu kejayaan hasil kerjasama dengan MBSB Bank Berhad (MBSB Bank) bagi menghangatkan kancang saingan bola sepak tempatan.

“Tahniah saya ucapkan buat Imigresen FC yang menjuarai edisi sulung, tidak lupa juga buat KL Rovers selaku naib juara manakala Harini Selangor FT ditempat ketiga, bagi saya semua pasukan yang bertanding telah memberikan saingan yang sengit serta persembahan yang berkualiti.

“Tidak lupa juga buat penaja utama kita MBSB Bank, yang sentiasa bersama AFL untuk memastikan saingan musim pertama ini berjalan lancar di samping memperkasakan lagi pertandingan ini untuk kemajuan bola sepak sejagat dengan pelancaran kempen atau program yang berfaedah kepada pasukan dan pemain khususnya , ” ujarnya.

Sementara itu, Ketua Pegawai Eksekutif MBSB Bank, Datuk Nor Azam M. Taib berkata, “Kami mengucapkan tahniah kepada Imigresen FC yang muncul sebagai juara pada musim ini. Semoga kejayaan mereka menyuntik semangat kepada semua kelab di AFL untuk terus berdaya saing dan lebih maju jaya di masa akan datang.”

Tambahnya lagi, “Penganjuran MBSB Bank Championship 2023 merupakan sesuatu yang boleh dibanggakan dan kami bersyukur ianya berjalan dengan lancar di mana kerancakkannya berterusan hingga ke perlawanan minggu terakhir.”

Sebanyak 13 pasukan berentap merebut piala MBSB Bank Championship 2023 dan mereka terdiri daripada, Imigresen FC, KL Rovers, Harini Selangor FC, Bukit Tambun FC, Sains FC, Malaysia University Football Team (MUFT), Perlis United FC, PIB Shah Alam FC, Armed Forces FC, Melaka FC, Manjung City FC, Sarawak United FC dan Naga Ultimate FC.

Pemenang Kasut Emas MBSB Bank Championship 2023 dimenangi oleh Abdul Azim Rahim juga dikenali sebagai Balo, dari Imigresen FC. Kehandalan pemain berusia 26 tahun yang berasal dari Melaka itu terserlah setelah menjaringkan 24 gol dalam sepanjang 22 penampilan pada musim ini.

Bersempena MBSB Bank Championship 2023, MBSB Bank juga menganjurkan kempen ‘Dare To Dream’, di mana 12 pemain AFL yang terpilih akan berpeluang untuk berlatih di Compton Park Training Ground di England. Kempen ‘Dare To Dream’ juga menawarkan peluang kepada 500 pemegang akaun simpanan M Junior-i MBSB Bank yang terpilih untuk menyertai latihan bola sepak bersama jurulatih Wolverhampton Wanderers atau Wolves di Kuala Lumpur.

Manakala, Japen (8) pemenang kempenn ‘Winners Are Dreamers’ pula berpeluang untuk menonton Piala Liga Inggeris (EPL) di England bersama pasangan masing-masing.

Untuk maklumat lanjut, sila layari [www.mbsbbank.com](http://www.mbsbbank.com)

-Tamat-

Untuk pertanyaan media, sila hubungi:

Subkhi Sudarji Amateur Football League (AFL) Wisma FAM Jalan SS5A/9, Kelana Jaya 47301 Petaling Jaya Selangor D.E. T: 019 382 5009 E: subkhi.sudarji@theafl.my	Nik Surina Suria Nik Abdullah Jabatan Komunikasi Korporat MBSB Bank Berhad Aras 9, Menara MBSB Bank, PJ Sentral Persiaran Barat, Seksyen 52 46200 Selangor Darul Ehsan E: corporatecomms@mbsbbank.com T: 013 367 6488
---	--

#### **Mengenai AFL**

Amateur Football League (AFL) ialah sebuah entiti yang diberi kelulusan oleh Persatuan Bola Sepak Malaysia (FAM) untuk menganjur bola sepak peringkat amatur dan semi profesional. AFL ditubuhkan pada 2018 dengan usaha untuk mengembangkan sukan ini di peringkat akar umbi di Malaysia, melancarkan pertandingan pertamanya pada 2019. AFL kini beribu pejabat di Kelana Jaya. AFL percaya bahawa menjadi tanggungjawab dan visi kami Untuk Menjuarai dan Melindungi permainan rakyat sebagai sukan utama penyatuan Negara

#### **Mengenai MBSB Bank Berhad**

MBSB Bank Berhad (MBSB Bank) merupakan sebuah bank Islam sepenuhnya di Malaysia yang menyediakan kemudahan perbankan patuh syariah kepada pelanggan runcit, PKS dan korporat. Sebagai tambahan kepada senarai produk pembiayaannya, MBSB Bank, meluaskan saluran pengedarannya melalui perkhidmatan dalam talian seperti perbankan mudah alih dan cawangan maya melalui keupayaan digitalnya. Untuk maklumat lanjut, lawati [www.mbsbbank.com](http://www.mbsbbank.com)